



Broj: 04-16-7-13-20/21
Sarajevo, 16.06.2021. god.

Na osnovu člana člana 8. Zakona o Agenciji za rad i zapošljavanje Bosne i Hercegovine („Službeni glasnik BiH“ broj: 21/03 i 43/09), člana 48. Zakona o javnim nabavkama Bosne i Hercegovine („Službeni glasnik BiH“, broj: 39/14), postupajući po Rješenju Ureda za razmatranje žalbi, broj: JN2-01-07-1-1356-8/21 od 03.06.2021. godine, direktor Agencije za rad i zapošljavanje Bosne i Hercegovine donio je

ODLUKU **o izboru najpovoljnijeg ponuđača**

Član 1.

Okvirni sporazum za javnu nabavku usluga aviotransporta se dodjeljuje ponuđaču „Centrotrans-Eurolines“ d.d. Sarajevo, ponuda broj: 1/1959/21 od 26.04.2021. godine, sa ukupnom cijenom ponude od 500,00 KM, bez uključenog PDV-a, odnosno 585,00 KM, sa uključenim PDV-om.

Član 2.

Za izvršenje ove odluke zadužuje se i ovlašćuje Odsjek za računovodstvene poslove.

Član 3.

Ova odluka objavit će se na web-stranici Agencije istovremeno sa upućivanjem ponuđačima koji su učestvovali u postupku javne nabavke, u skladu s članom 70. Stav 6. Zakona o javnim nabavkama Bosne i Hercegovine.

Član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama Bosne i Hercegovine.

O b r a z l o ž e n j e

Rješenjem Ureda za razmatranje žalbi, broj: JN2-01-07-1-1356-8/21 od 03.06.2021. godine, a rješavajući po žalbi Centrotrans Eurolines d.d. Sarajevo poništena je odluka o izboru najpovoljnijeg ponuđača broj: 04-16-7-13-10/21 od 06.05.2021. godine kojom je kao najpovoljnija ponuda u konkurentskom postupku javne nabavke usluga aviotransporta, nakon provedene e- aukcije, ocjenjena ponuda „Ventura Travel Agency“ d.o.o. Travnik, po cijeni od 349,65 KM bez PDV-a, odnosno 409,09 KM sa uključenim PDV-om.

Naime, predmetni Postupak javne nabavke pokrenut je Odlukom o pokretanju postupka javne nabavke broj: 04-16-7-13-1/21 od 07.04.2021. godine. Javna nabavka je provedena putem konkurentskog zahtjeva za dostavu ponuda – kriterij najniža cijena.

Procijenjena vrijednost javne nabavke iznosi do 12.820,50 KM bez PDV-a.

Obavještenje o javnoj nabavci i tenderska dokumentacija objavljeni su 09.04.2021. god. na portalu „e-nabavke“ pod brojem 1042-7-2-12-3-2/21.

U postupku ocjene ponuda utvrđeno je slijedeće: u predmetnom postupku su blagovremeno primljene dvije (2) ponude: Centrotrans-Eurolines d.d. Sarajevo i Ventura Travel Agency d.o.o. Travnik, obe dostavljene na propisan način, uvezane i numerisane u skladu sa zahtjevima iz tenderske dokumentacije.

Nakon provedenog postupka i E-aukcije, dana 06.05. 2021.godine, koja je počela u 13:15:00 i završila u 13:25:00 kao najuspješnija ponuda je ocjenjena ponuda ventura Travel Agency d.o.o. Travnik, ponuda br. 2021-04-27-1-VTA od 27.04.2021. godine, po cijeni od 349,65 KM bez PDV-a, odnosno 409,09 KM sa uključenim PDV-om.

Nezadovoljan sadržajem navedene Odluke o prihvatanju ponude broj: 04-16-7-13-10/21 od 06.05.2021. godine, Centrotrans Eurolines d.d. Sarajevo je u zakonskom roku uložio Žalbu na odluku o izboru najpovoljnijeg ponuđača, broj: 1/2200/21 od 11.05.2021. godine, zbog:

- pogrešne primjene Zakona o javnim nabavkama BiH,
- pogrešno i nepotpuno utvrđenog činjeničnog stanja,
- pogrešne primjene materijalnog prava.

Ugovorni organ je u zakonskom roku, aktom broj: 04-16-7-13-16/21 od 17.05.2021. godine prosljedio žalbu Uredu za razmatranje žalbi sa Izjašnjenjem o formalnim pretpostavkama i osnovanosti žalbe.

Ured za razmatranje žalbi je Rješenjem, broj: JN2-01-07-1-1356-8/21 od 03.06.2021. godine godine usvojio žalbu, te poništio akt ugovornog organa- Odluku broj: 04-16-7-13-10/21 od 06.05.2021. godine i predmet vratio na ponovni postupak, naloživši ugovornom organu da detaljno razmotriti sve što je potrebno, te da, vodeći računa o pravilima postupka, o sadržaju dokumenata postupka, isto potpunije raspravi, te izvede pravilan i potpun zaključak o navedenom spornom pitanju, uz uvjerljivo obrazloženje.

Postupajući po Rješenju Ureda za razmatranje žalbi, broj: JN2-01-07-1-1356-8/21 od 03.06.2021. godine, Ugovorni organ je ponovo proveo postupak ocjene dokumentacije koju je ponuđač Ventura Travel Agency d.o.o. Travnik dostavio kao dokaz tehničke i profesionalne sposobnosti (član 48. i 50. Zakona o javnim nabavkama). Konstatovano je da je tačkom 15.1 TD precizirano da ponuđač dostavlja:

- Listu glavnih isporuka u 2020. godini- referenc listu, u skladu sa članom 48. stav 2. Zakona o javnim nabavkama BiH.Traženi dokaz se podnosi u formi spiska izvršenih ugovora uz potvrdu koju daje druga strana o njihovoj realizaciji.
- Potvrda mora da sadrži slijedeće podatke:
 - I. naziv i sjedište ugovornih strana ili privrednih subjekata,
 - II. predmet ugovora,
 - III. vrijednost ugovora,
 - IV. vrijeme i mjesto izvršenja ugovora,
 - V. navode o uredno izvršenim ugovorima.

Konstatovano je da potvrda ne sadrži podatke o vremenu i mjestu izvršenja ugovora, kako je precizirano tenderskom dokumentacijom, te ne navodi koji su ugovori izvršeni u 2020.

godini, tako da ugovorni organ nije ni mogao cijeniti da li je ispunjen postavljeni uslov koji se odnosio na 2020. godinu.

Zbog navedenog je odlučeno kao u dispozitivu.

Pouka o pravnom lijeku: Protiv ove Odluke može se izjaviti žalba, najkasnije u roku od deset (10) dana od dana prijema ove Odluke. Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom.

Dostaviti:

- Ponudāču
- Komisija za javne nabavke
- Odsjeku za računovodstvene poslove
- a/a

